



Posljednji dan škole ☹️

Sa širokim osmijesima i praznim ruksacima kažemo: Ćao školo! ☹️



Iz nastavničke torbe

Na zadnji dan škole stavljamo tačku na školsku godinu iza nas i na hiljade priča pričanih i pisanih sa učenicima i učenicama, kolektivnom škole i roditeljima. Sedmice koje su prošle, sa sobom su ponijele veliku hrpu malih, svakodnevnih pobjeda, pređenih stepenica, osmijeha i suza, radosnica i žalosnica, i najzanimljivijih aktivnosti prekinute zvonom.

Period bez dječijih zagrljalja, smijeha i galame, te poruka roditelja u ponoć će brzo proći, pa dajte sebi vremena da se odmorite, prikupite snagu i ideje za nastavak avanture. Tu je ostavljen prostor za promišljanja o svemu onome što je bilo u učionici i van nje. Vrijeme za refleksiju i iskren osvrt na urađeno i ostavljeno za kasnije.

Vrijeme je da troškovi za printanje, materijala i pribora za rad malo sačekaju.

Hvala i Bravo!

Ali, to je pravi čas da sebi kažete bravo i hvala! Bravo za sve one improvizacije u nezgodno vrijeme, za sve izazove, kreacije, za svako: "Mogla sam probati ovo drugačije", za svaki onaj dan kad razred baš nije htio da sarađuje, a na kraju im je bilo žao završiti sa aktivnosti. Bravo za svaku podršku i pomoć kolegi ili kolegici. Bravo i hvala za svaku riješ motivacije učenici i učeniku kad im je to bilo najpotrebnije. Bravo i hvala za svaki čas i dan koji ste posvetili onome što je bitno vašim učenicima,

a ne onome što nalaže plan i program. Hvala što birate stranu djeteta. Uspjeli ste!

Ako ipak poželite da učite, čitate i istražujete o novim praksama za vašu učionicu, čitate druge inspirativne priče i budete u kontaktu sa kolegama i kolegicama regiona, InŠkola je tu za vas. Pružamo hlad novim kampanjama i novim temama o kojima žemo zajedno pisati i istraživati.

Odmorite se, dragi nastavnici i nastavnice. Hvala za još jednu veliku školsku godinu koja je iza nas. Hvala što ih činite zanimljivijim i lakšim i što čuvate radost djetinjstva za svako dijete.

Čestitamo vašim đacima i vama na uspjesima.

Zapamtite:



Collections

Inspiriraj druge